



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 110. Variæ Sacrarum Congregationum decisiones.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII. Confirmavit etiam die septima Novembris Innocentii XI. literas, quibus Fratribus Prædicatoribus indulfit, ut Collegium sub invocatione B. Ferdinandi & Universitatem studiorum in Indiis Occidentalibus erigerent. Denique die vigesima octava ejusdem Mensis concessit indulgentiam plenariam pro unica vice, visitantibus Ecclesias Ord. S. Augustini in die Festivitatibus Canonizationis B. Joannis a S. Facundo, vel septem diebus immediate sequentibus.

§. CX.

Variae Sacrarum Congregationum Decisiones.

*Const. S.
Congr. Rit.
Concil. Et.*

Inter plures Sacrarum Congregationum Decisiones die vigesima prima Januarii Romæ Sacra Rituum Congregatio declaravit, quod in supplicatione Corporis Christi, quando Processio fit, Sacerdos celebrans, ejusque Ministri non debeant sedere: decidit quoque die vigesima octava ejusdem Mensis Sacra Concilii Congregatio, quod Episcopus possit pœnam Excommunicationis, dummodo sit in subsidium, laicis imponere, qui præsumunt contrahere Matrimonia coacto Parocho, & favent, aut consilium dant, vel ut testes interfunt. Approbante etiam Ale-

Alexandro VIII. Papa S. Rituum Cor- Sæc. XVII.
 gregatio die undecima Februarii statuit, A. C. 1690.
 quod si Festum Sanctissimæ Annuntia-
 tionis Beatæ Mariæ Virginis occurrat
 in feria sexta in Parasceve, vel in Sab-
 bato Sancto, transferatur, unacum
 præcepto audiendi Missam, & vacandi
 ab operibus servilibus, ad Feriam se-
 cundam post Dominicam in Albis, e-
 tiam quocunque alio festo impeditam:
 ita, ut eadem Feria, prædicto casu e-
 veniente, perpetuis futuris temporibus
 pro sede propria, & fixa memorato
 Festo Annuntiationis assignata, & sta-
 bilita intelligatur, & in illa eo prorsus
 modo, & forma præfatum festum quo-
 ad officium & Missam celebretur, qui-
 bus propria die vigesima quinta Martii
 in Calendario Romano appositum ce-
 lebraretur: protractis ad aliam diem
 non impeditam, juxta rubricas bre-
 viarii Romani, omnibus aliis Festis in
 eadem Feria occurrentibus, quæ non
 sunt altioris ritus, si vero in Sabbato
 Sancto, celebrationes Missarum privata-
 rum omnino prohibeantur in quibus-
 cunque Ecclesiis, & Oratoriis privatis,
 non obstante quacunque contraria Con-
 suetudine, & unica tantum Missa Con-
 ventualis unacum officio ejusdem Sab-
 bathi sancti celebretur.

Eadem

Sæc. XVII.

A. C. 1690

Eadem quoque Congregatio die decima quinta Aprilis decidit, quod Canonicus Coadjutor teneatur ad omnes functiones, quas facere deberet suus Coadjutus, & sedere in ultimo loco sui Ordinis, Canonicus quoque Theologus & Canonicus Pœnitentiarius non possint se eximere ab Officio Capituli. Declaratum etiam ab eadem Congregatione die decima Junii, quod translata aliqua Festivitate non dicantur translatae indulgentiæ pro die ejusdem festivitatis concessæ, nec liceat aliquid ea devotione seu autoritate privata miscere, mutare, vel opponere inter ea, quæ integrant officium cujusvis diei: Pariter die octava Julii S. Concilii Congregatio sancivit, quod percutientes, vulnerantes, vel occidentes oblatos in aliqua religione, in qua sese, & omnia bona sua cum effectu obtulerunt, incurrant Excommunicationem contentam in Canone. *Siquis Juadente Diabolo*, & in Bulla Cænzæ Domini, & contra eos per Censuras procedi possit, dummodo dicti oblati ultra alia requisita, habitum gestent, & in Conventu vivant sub obedientia Superioris.

Declaravit etiam die secunda Septembris S. Rituum Congregatio, quod non pertineat ad Ecclesiam Matricem
jus

ius privatum quoad S. Reliquiarum expositionem, sed id in omnibus Ecclesiis sit. licitum, in Processione autem, in qua defertur SS. Sacramentum, vel lignum SS. Crucis, tam Clerici Regulares, quam Sæculares, omnesque Laici, incedere debeant, detecto capite: in aliis vero Processionibus, Clerici deferentes Reliquias, & omnes Sæculares comitantes, incedere debeant detecto capite, alii tamen Clerici tecto capite cum Bireto.

Die autem quarta Novembris a S. Episcoporum Congregatione declaratum, quod Regulares, eoquod ab Episcopo Diæcesano male tractentur in examine pro excipiendis Confessionibus, non excusentur ad hoc, ut possint se exponere coram alio Episcopo vel Provinciæ Archiepiscopo.

§. CXI.

Opera & obitus Scriptorum religionis Catholicorum.

Celebriores ex Scriptoribus Ecclesiasticis hoc anno defunctis sunt sequentes. I. Godefridus Hermani Bellovacensis Canonicus, qui Jesuitis ad universitatem Parisiensem recipi postulantibus, eorumque libello supplici opposuit observationes pro eadem universi-

*Mem. des
Homm. Illust.
t. 2.
pag. 200.
Cerf. Auth.
de la Congr.
Du Pin
nouv. Bibl.
pag. 185.*